

traditur. Ea de causa etiam Cupido armatur sagittis disparibus, videlicet acutis & obtusis, auratis & plumbeis.

Cupido sagittis disparibus armatur.

Nam (ut inquit Horatius)

Sic visum Veneri, cui placet impares
Formas atque animos sub juga aliena
Sævo mittere cum joco.

Apollo fingitur inventor Medicinae propter vim Solis, qua herbae vegetantur, quarum in medicina usus est maximus ad salubritatem corporum humanorum. Fingitur & inventor Musices, ad commendandam dignitatem artis. nam veteres, ut significarent musicam divinam inventam esse, non homini sed Deo inventionem eius adscribendam existimaverunt. Hinc igitur Apollo se ita iactat:

Apollo cur medicinae & musices inventor.

Per me concordant carmina nervis. Item;
Inventum medicina, &c.

-- Daphne Peñeia, &c.

Daphne laurum significat, ac fingitur tum filia Penes fluminis, eo quod ripe eius abundant lauro, tum amata ab Apolline, quia hæc arbor præbet medicinae magnum usum, estque spectatissima (ut scribit Plinius) apud Delphos, ubi Apollo colebatur. Ipsius vero Daphnes in arborem semper virentem mutatio docet, immortalam gloriam esse paratam virginibus pudicitiam conservantibus.

Præmiū castitatis.
Laurus & Quercus cur ante

Postibus Augustis, &c.

Romæ ante Imperatorum ædes erat posita quercus inter diæas lauros, quæ significabat, salutem Reipublicæ tuendam esse virtute & felicitate Imperatorum. Laurus verò erat signum victoriæ ac triumphis; quercus verò erat signum conservati civis: unde confecto bello, & Imperatores, qui insignem victoriam essent consecuti, in Apollinum cum laurea invehantur, & qui civem ab hoste conservasset, quærens corona donabatur.

Imperatorum ædes posita.

FAB. X. XI. XII. ET XIII. EST
NEMVS &c.

De Io in vaccam, Syringe in fistulam, & Argo in caudam pavonis mutato.

B

Aegy-